

partū meōrū et laudabit

**Dñs nobiscū Domine?**

quī tribz pueris mīcī  
i flāmas igniū: crede  
t nos fāblos tuos nō  
lāma vicior. **¶ Actū**  
illis. **¶** tūvenit **aposto**  
iucas: audire verbum  
ētes aut turbas iudei.  
ut zelo: et contradicbāt  
paulo dicebant. blas  
es. **¶** tūc ostendit paul<sup>9</sup> et  
as dixerūt. **¶** Joh<sup>9</sup> opor  
tū loqui verbū dei: sed  
illis illud. et indignos  
castis exime vice. ecce  
at gētes. Sic em̄ p̄ce

bat magnis febribus: et rogave  
rūt illū p̄ ea. **¶** Et stās sup illas  
imperavit febrī: et dimisit illā.  
**¶** Et continuo surgēs: ministrabat  
illis. **¶** Nō sol aut occidisset: oēs  
qui habebant infirmos parit̄s  
lāguoibz. ducebāt illos ad eū.  
**¶** At ille singulis man<sup>9</sup> imponēs: cu  
rabat eos. **¶** Exibāt aut deōmnia  
a infirmis clamātia et dicētia: qu  
tu es fili<sup>9</sup> dei. **¶** Et increpās nō sī  
nebat ea loquū<sup>9</sup>: sciebāt ipm̄  
esse eūm. **¶** Fecit aut die. egress<sup>9</sup>  
ibat in desertū locū: et turbe ve  
nībāt eū. et venēnt usqz ad  
ipm̄. et detinebāt illum ne dis  
cedet ab eis. **¶** Quibus illi ait:

Luffers Das dieß Wort Chri. Diftinuum Leib noch feyft 198  
 Luffers Bekundtums von Sacrament. 72 158  
 Luffers von Gennet von Duffen. Cremato. 92 3-8  
 Arminij de aena domini 106 38  
 Wigandij de confels. T. Grot. Misne. de aena domini 118 3-8  
 von der Wissen beyßten Bunde feyft 132 28  
 Jacob Andreas contra Sturmium 140 58  
 Jacob Andr. concio von groffen abendmal 154 98  
 Boringij Mullerij concio. vrs 2 der o. fu Papaty 172  
 Andr. Oslander de sine mundi 196. 108 68  
 Amersdorff de confels. Christiana 236. 38  
 De obedientia Subditor 248. 38  
 Amersdorff de 5 sign. extr. diem auterenditib. 260. 48  
 Nouers Jahr. 276 38  
 Amersdorff de Apostas. Eclis. Romanae 284. 48  
 Amersdorff. de Spaffingero 304. 58



I. 68

eye - befehlst

Sept. 2004

Fünff fürnemliche vnd  
gewisse Zeichen aus  
göttlicher heiliger Schrift / so kurz  
vor dem Jüngsten tag gesche-  
hen sollen.

Niclas von Amsdorff.

Lucæ. XXI.

Wenn dieses anfehret zugesehehen / So sie-  
het auff / vnd hebt ewre Denbter auff / Darumb /  
das sich ewer Erlösung nahet.

Matth. XXI III.

Wachet vnd seid bereit / Denn jr wisset nicht /  
welche stunde ewer Herr komen wird.

Was ich aber euch sage / das sage ich allen /  
Wachet / Mar. 13.

- 8. y

Recht & Verworblich ac doctissimo viro tota  
magro Mathia Wanckel p.posito Kemburgensi  
Lutheri lina...

Einmahl in dem Jahr  
 zu dem Festen Johannis  
 die Predigt zu halten  
 in der Kirche zu  
 dem Namen des heiligen  
 Johannes Baptisten

Von dem  
 Prediger

In dem Jahr  
 1711

1711

In dem Jahr  
 1711

261

# Fünff fürnemliche

vnd gewisse Zeichen aus heiliger  
göttlicher Schrift/so kurz vor dem  
Jüngsten tag geschehen sollen.

**D**ie Zeichen so oben im  
Himmel an der Sonnen/  
Mond vnd Sternen / auch  
hie nieden auff Erden vn im  
Meer so vor dem jüngsten tag geschehen  
sollen/lasse ich izund faren/vnd wil allein  
die fürnemesten/so vns in der Schrift  
verkündiget vnd angezeigt sind / erzeelen.  
Auff das wir daraus sicher vnd gewis  
werden/das der Jüngste tag nicht ferne/  
sondern nahe für der thür sein mus.

Das erste zeigt an S. Paulus 2. Thess.  
2. Lasset euch Niemand verführen / Denn  
der tag des HErrn kompt nicht / es sey  
denn/das zuvor der Abfall kome etc. Vnd  
1. Timot. 4. Der Geist sagt deutlich/Das  
in den letzten zeiten werden etliche vom  
Glauben abfallen/vnd anhangen den ver-  
fürischen Geistern.

A ij

Hie

Wie fragt sichs nu/ Wer die seien/ so vor  
 dem jüngsten tag/ wie S. Paulus sagt/  
 vom glauben abfallen sollen? Hierauff  
 antwort S. Paulus selbs/ Das es die thun  
 werden/ welche Regenten vnd Heubter  
 der Kirchen sind/ die macht vnd gewalt  
 haben zu gebieten vnd verbieten/ was sie  
 wollen/ vnd jnen wolgefellet/ Als nemlich  
 der Papst mit seinem Römischen ho/  
 fe/ die da verbieten Ehelich zu werden/  
 vnd zu meiden die Speise/ die Gott ge/  
 schaffen hat zu nemen mit Dancksagung  
 den gleubigen/ vnd denen/ die die warheit  
 erkennen.

Das ist klar vnd hell gnug geredt/  
 wenn mans nur gleuben wolt. Das vor  
 dem Jüngsten tag die Gebieter vnd Herr/  
 scher in der Christenheit werden den glau/  
 ben an Christum vnsern lieben HErrn fas/  
 ren lassen/ ja sein gar nichts achten/ Vnd  
 sich an eusserliche Ceremonien hengen/  
 die selbigen den Christgleubigen gebieten vnd  
 aufflegen/ das sie also singen/ lesen/ essen/ vñ  
 sich also kleiden sollen/ Darauff denn des  
 Papst Rott vnd Sect ganz vnd gar ge/  
 gründet vnd gebawet ist.

Das



262

Das also des Papsts Kirche auff Erden nichts anders ist / denn ein eusserliche Larue vnd schein seines kirchen geprengs / darinne doch das Reich Gottes / das ist / die kirche Christi nicht stehet / wie Christus selbs saget Luce 17. Das Reich Gottes kömet nicht mit eusserlichen Geberden. Vnd Paulus / Das Reich Gottes ist nicht essen vnd trincken. Rom. 14.

DJeweil denn der Papst mit seiner Kott das Euangelium vom glauben an Ihesum Christum nie geprediget hat / auch noch nicht prediget / Sondern allein von seiner Opffermesse vnd andern Ceremonien / so daran hangen / von anruffen vnd verdienst der Heiligen / von den Orden / Regeln vnd eigen Verdiensten in allen Kirchen leret vnd prediget / Derhalben sie auch die Ehe vnd Speise verboten haben / das sie heiliger vnd frömer denn ander Leut sein wollen.

Darumb sind sie vom glauben abgefallen / vnd haben Gottes reich / die rechte kirche / verlassen (welche / wie oben gesagt / nicht stehet in essen / trincken / singen / lesen oder kleiden / Sondern in der Krafft des

A iij Geists

525  
Geists/ Glaubens vnd der Liebe vnd ein  
lauter Narren vnd Laruentkirchen ange-  
richtet/welche/wie gesagt / stehet in essen/  
trincken/kleiden/singen vnd lesen/welchs  
alles ein grossen schein vnd ansehen hat/  
vnd der Vernunfft menschlicher weisheit  
wolgefellet / das Hertz einnimpt/vnd also  
gefangen helt / das es des Glaubens ver-  
gisset/vnd gar nichts acht.

SOLchs alles haben wir gesehen/vnd  
mit grossen schaden erfahren / So ist  
auch sonst kund vnd offenbar in aller  
Welt/wie denn des Papsts eigen Bücher  
Orden/Regeln/Clöster vnd Stifft alles  
zeugen vnd beweisen.

Das also dis Zeichen reichlich gesche-  
hen vnd erfüllet ist / nemlich / Das der  
Papst mit seinem Römischen Hofse vom  
glauben/Christo/vnd seinem Wort abge-  
fallen vnd gewichen ist.

### Das ander Zeichen .

Der Antichrist/so in der Christen-  
heit vnter dem namen Christi/als ein  
Stathalter/ein Regirer vnd Gebieter ge-  
west ist/ sol vor dem Jüngsten tag geoffen-  
bart

bart werden nemlich / Das jederman erken  
nen vnd wissen wird / das der Papst ein  
Grundbove vnd Verfürer der Christen  
gewest / vnd noch ist / nemlich / der rechte  
Antichrist / davon die Schrifft geweissaget  
vnd vns verkündigt hat. Denn S. Pau  
lus im oben angezeigtem Capitel schreibet  
also. Denn er (der tag des H<sup>errn</sup>) kompt  
nicht / es sey denn das zuvor offenbart wer  
de der Mensch der sünden / vnd das Kind  
des verderbens / welchs alle Lerer eintrech  
tig vom Antichrist verstehen vnd deuten.

Daraus folget / das Der Antichrist in  
der Christenheit ein lange zeit wird vnbe  
kand vnd verborgen sein / in der Christen  
heit als ein H<sup>err</sup> vnd Heubt regirn / das  
er von Niemand für den Antichrist / son  
dern für ein Stathalter Christi wird ge  
acht vnd gehalten werden.

Denn der Antichrist / wird nicht aus  
sfer sondern in der Christenheit vnter dem  
schein vnd Namen Christi regiren. wie  
S. Paulus sagt / Er wird sitzen (das ist  
regiren) in der heiligen Sted (das ist in  
der Kirchen) als ein Stathalter Christi /  
wie er sich denn in seinem Canonibus vnd  
Bullen

Bullen rühmet vnd brüllet / vnd in auch je  
derman dafür gehalten / vnd von vielen  
noch dafür gehalten wird / wie Christus  
vnsrer lieber HERR zuvor solchs geweis  
saget vnd verkündiget hat / da Er spricht  
Sie ( der Papst mit seinen Pfaffen vnd  
München ) werden in meinem Namen  
Komen etc.

Derselbige sol vor dem Jüngsten  
tag offenbar vnd zu schanden werden /  
das jederman wissen vnd erkennen wird /  
das der Papst sey der rechte ware Anti  
christ / vnd nicht ein Statthalter Christi /  
Vnd das Er nicht in Christus name  
vnd seinem Befehl / wie er sich rühmet vnd  
leuget / sondern aus des Teuffels eingeben  
Komen sey vnd regire / wie S. Paulus sagt /  
2 Thess. 2 Das seine zukunfft / geschicht nach  
der Wirkung des Satans mit allerley lü  
genhafftigen Kressen / Zeichen vnd Wun  
dern / welchs reichlich erfüllet ist / durch die  
erscheinung der Geister so im namen der  
verstorbenen Seelen geschehen ist etc.

Darumb feilen vnd irren die gar weit /  
so den Papst vnd seine Mesbischoue für  
Christliche Hirten vnd Bischoue halten  
vnd

264

vnd achten. Viel mehr aber irren die/so  
den Türcken für den Antichrist halten.  
Denn der Türck regiret außser der Kir-  
chen/vnd sitzet nicht in der heiligen Stet/  
chümet auch nicht den namen Christi/son-  
dern ist ein öffentlicher feind Christi vnd  
seiner Kirchen/der nicht darff offenbart  
werden / sondern bereit jederman kund  
vnd offenbar ist/dieweil er nicht heimlich  
vnter ein Gottseligen schein / wie der  
Papist/sondern öffentlich die Christenheit  
verfolget / das in ein jederman für ein  
feind der Christen acht vnd helt/ auch  
der Papst selbs.

Wie aber vnd wo durch der Papst  
geoffenbaret vnd erkand ist / das er der  
ware vnd rechte Antichrist ist / das hat  
Doctor Martinus Luther / der heilige  
Man Gottes / nach der lenge angezeigt  
vnd geschrieben / vnd aus der heiligen  
Schrift/sonderlich aber aus dem Pro-  
pheten Daniel/vnd aus S. Paulo / so hell  
vnd klar beweiset/vnd beweret/das es nie-  
mand leugnen kan/er wolt denn mutwil-  
lig vnd freuentlich dem heiligen Euanges-  
lio widerstreben/welches alles hie zuerze-  
len

B

len

len / viel zu lang würde. Doch wollen wir  
etliche stück / so viel ich aus seinen Schrifft-  
ten behalten / kürzlich erzelen vnd vber-  
lauffen.

Zum Ersten / das er in der heiligen  
Stet sitzet ( das ist ein Herr vnd Heubt  
der Christenheit sein wil) welches eigent-  
lich allein dem Antichrist eigent vñ gebürt.

Zum andern / das Er sich vber alles  
was Gott oder Gottesdienst heisset / das  
ist / vber das Euangelium vnd die heiligen  
Sacrament erhaben hat / welche er seines  
gefallens auszulegen vnd zu endern gewalt  
vnd macht haben wil / Das jederman die  
Schrift sol auslegen / die Sacrament  
handeln vnd gebrauchen wie er wil.  
Das ist das ander stück / so allein dem An-  
tichrist eigent vnd gebürt / wie S. Paulus  
sagt 2. Thessa. 2.

Zum dritten / das Er die Ehe vnd spei-  
se / wie die altē Ketzer / seinen Mespaffen  
sub specie pietatis verboten hat. Welches al-  
lein gnug were / dabey man den Antichrist  
erkennen solt / wenn man dem heiligen S.  
Paulo glauben künd oder wolt.

ES sind sonst mehr Zeichen vnd stück /  
dabey der Antichrist erkand vnd offenbar  
wor

worden ist/die mag ein jeder im Daniel/  
 vnd in den Aposteln selbs lesen/vnd sonder  
 lich S. Paulum 1. Thimo. 4. 2. Thim 3. 2.  
 Thessa. 2. da stehets so klar vnd hell/als die  
 liebe Sonne im Mittag /das es ein jeder  
 verstehen vnd vernemen kan/Wer dem ni  
 cht glauben wil/der mag jm ein eigen Antiz  
 christ treumen vnd ertichten zu Babilo  
 nien/oder wo er wil/Er wirds wol erfaz  
 ren vnd gewar werden. So viel sey vom  
 andern Zeichen gesagt.

Das dritte Zeichen vor dem Jüng  
 sten tag.

**D**as Römische Reich wie es bis  
 her gestanden/sol sich neigen vnd ver  
 endern/welches izund anfahen vnd ange  
 hen wil. Denn die Fürsten sind vnter sich  
 vneins vnd zertrennet/das es vnmüglich  
 ist/das es in seiner Wirde lenger stehen  
 vnd bleiben mag. Denn Christus vnser  
 lieber Herr saget/ Ein iglich Reich / so es  
 mit jm selbs vneins wird/das wird wüste/  
 vnd ein Hause fellet vber das ander etc.

Darumb mus ein enderung des Reichs  
 folgen vnd kan kein andere sein / denn die

B ij so

So am Jüngsten tag geschehen wird / wie  
das aus Daniel leichtlich abzunemen ist.

Denn das Römische Reich / wie es  
jzt stehet vnd gehet sol mit der Welt wie  
die Schrift sagt / ein ende nemen / vnd in  
feurigen Pful geworffen werden. Darumb  
darff man keiner enderung des Reichs  
hoffen noch warten / denn Daniel saget /  
das kein ander Monarchia nach diesem  
Reich auffkomen sol. Vnd ob sichs zu ei-  
ner Enderung schicken wolt / so sols doch  
nicht fortgehen noch bestand haben / son-  
der der Jüngste tag sol fluchs darauff fol-  
gen / vnd des Spiels ein ende machen.

### Das vierde Zeichen vor dem Jüng- sten Tag.

Das tegliche Opffer ( das ist / die  
predigt des Euangelij ) sol auff-  
hören vñ abgethan / vnd wie Daniel  
sagt / ein Grewel der verwüstung  
menschlicher Tradition an die stat  
gesetzt werden. Dis Zeichen gehet izt  
und in vollem schwang. Nicht allein vnter  
den Papisten / sondern auch vnter vns / da  
die



266  
Die menschen Tradition von der Narren  
messe/von der Schmirre / von dem ver-  
bot der Speise / vnd andern Malzeichen  
des Antichrists / neben dem Euangelio zu  
glauben / zu predigen / anzunehmen / vnd zu  
halten ernstlich itzund geboten werden.

Vnd die jenigen / so des Antichrists  
malzeichen nicht wollen neben dem Euang-  
gelio annemen / werden veriagt / bestrickt /  
ires Ampts entsatzt / vnd Heuchler an  
ire stat angenommen. Darumb kan das  
teglliche Opffer / die reine Predigt des  
heiligen Euangelij nicht lange bleiben / es  
mus zu letzt fallen / abgethan vnd ver-  
wüestet werden / der Glaube ausgelescht  
vnd vertilget werden / Als denn wird der  
Jüngste tag nicht lange aussenbleiben.

Vnd das ist denn die rechte zeit / in  
welcher Christus vnser HERR komen  
wird / wie Er Luce. 18. selbs sagt / Doch  
wenn des Menschen Son komen wird /  
Meinestu das Er auch werde glauben fin-  
den auff Erden? Darumb kan das Euang-  
gelium neben Menschen tradition / es seien  
newe oder alte / nicht rein vnd lauter blei-  
ben / sie leiden sich nicht bey einander / eins  
tilget das ander. Wenn das Euangelium vñ

Der Glaube vberhand nemen/da fallen hin  
alle menschliche Tradition. Widerumb wo  
die Traditiones vberhand nemen/vnd ges  
boten werden da verlisset das Eangelis  
um/vnd der Glaube gehet vnter. Das sey  
vom vierden Zeichen genug,

Das fünffte Zeichen vor dem Jüng  
sten Tag.

Das beschreibet Johannes in sei  
ner Offenbarung / Das man vn  
ter dem schein vnd namen Christi /  
vnser lieben Herr/vud seins hei  
ligen Eangelij/die Leute das Thier  
anzubeten / vnd seine Malzeichen  
auff ire Stirn vnd Hende anzune  
men/zwingen vnd dringen wird.

Das Thier ist das Römische Reich/  
so da tregt/erhelt vnd handhabt die rote  
Babilonische Hure / nemlich / das Pap  
stum. Die Malzeichen aber des Thiers  
sind des Papsts Canones/Decreta vnd  
Ceremonien/das ganze Kirchen gepreng  
so da stehet in essen/trincken/ kleiden / sin  
gen

267  
gen / lesen / vnd andern dergleichen Kinder  
werck / welche das Reich Gottes / die Chri-  
stenheit / nichts angehen noch dazuges-  
hören. Das wir nu solches Thier anbe-  
ten / vnd seine Malzeichen / sonderlich die  
Messe / es sey die alte oder newe mit irem  
Anhang annemen vnd halten sollen / da zu  
zwingen vnd dringen / vns die Adiapho-  
risten mit irem Ratschlagen vnd Gebot.

Darumb kan der Jüngste tag nicht  
lange aussen bleiben / er wird fürhanden  
sein. Denn das ist der letzte vnd grösste  
zorn des Teuffels / vnd kans auch nicht  
erger noch gewlicher machen / denn das  
er vnter dem Namen vnd schein des E-  
uangelij / das Euangelium dempffen vnd  
vnterdrücken wil.

Dem es hat ein gros ansehen vñ schein  
bey jederman. Das auch / wens mög-  
lich were / die Aufferweleten möchten ver-  
fürt werden / Wie denn viel fromer Her-  
zen da durch geergert / welcher Gewissen  
verwirret sind / das sie nicht wissen wo  
aus / noch ein / vnd möchten wol zehen  
mal in irthum fallen vnd verführet wer-  
den / ja für grosser trawrigkeit verzweueln  
vnd verzagen / wenn sie durch Gottes  
gnade

gnade nicht wunderlich erhalten würden/  
wie jr denn auch viel durch solch verzas-  
gen vnd zweiffeln dahin von Christo zum  
Antichrist gefallen sind / vnd dieselben Mal-  
zeichen an ire Stirn oder rechte Hand  
genommen haben / auff das sie keuffen vnd  
verkeuffen mögen / vnd nicht geechtiget  
werden.

Derhalben ist hoch von nöten / das  
wir vns wol fürsehen / die lere vnd war-  
nung S. Pauli an die Ephes. 4. zu hertzen  
nemen / da Er spricht. Auff das wir  
nicht mehr Kinder seien / vnd vns  
wegen vnd wigen lassen von allerley  
Winde der lere / durch schalckheit der  
Menschen vnd teuscheren / damit sie  
vns erschleichen zuuerfüren. Vnd  
Coloss. ij. Lasset euch nicht berauben  
durch die Philosophia vnd lose ver-  
führung / nach der Menschen lere vnd  
nach der Welt sagung / vnd nicht  
nach Christo.

In diesen Worten erkläret S. Paulus /  
was da sind die Malzeichen des Thiers  
vnd

268

vnd seines Antichrists / vnd spricht / Es  
seien menschen Lere vnd eusserliche Sa-  
gunge / Als da sind die beide / gros vnd  
Klein Interim / damit die Adiaphoristen /  
durch ire List vnd Behendigkeit / oder  
schaldheit / wie es S. Paulus nennet / vns  
erschleichen / teuschen / betriegen vnd ver-  
furen wollen / Das wir meinen / wir bleiben  
bey Christo vnd seinem Wort / So wir  
doch durch solche einigkeit vnd vergleich-  
ung mit dem Antichrist / das wir seine  
Malzeichen annemen / beide Christum  
vnd sein Wort verleugnen / Unangesehen /  
das wirs mit leren vnd predigen im munde  
furen.

Den wer wolt doch Christum vnd  
das Euangelium mit dem munde offent-  
lich verleugnen / thuns doch die Mün-  
che vnd Mespaffen nicht / wiewol sie es  
nicht allein verleugnen / sondern auch ver-  
damnen vnd verfolgen / vnd doch gemein-  
iglich alle / wenn sie sterben sollen / Chri-  
stum mit dem munde anruffen.

Es müsten gar freche erwegen vnd  
freuel Menschen sein / die offentlich mit  
ausgedruckten Worten sagen dürfften /  
Sie wolten Christum vnd sein wort nicht  
C haben

haben. Wir sehen für augen vnd erfah-  
ren/wie gesagt / Das schier alle gott/  
lose Mönche vnd Mespaffen / wenn sie  
sterben sollen/ Christum anruffen / beich-  
ten/ sich absolviren lassen / vnd das Sac-  
rament empfangen. Was hilfft sie es aber/  
weil sie die fromen Prediger nicht leiden  
noch hören wollen/ Sondern sie vmb der  
Adiaphora willen verachten / verfolgen  
vnd verriagen.

Ich halt auch nicht/das es im Bap-  
stumb/oder vnter den Lutherischen ge-  
schehen wird/das jemand den Antichrist/  
als den Antichrist/anbeten/das ist/im fol-  
gen vnd gehorsam sein/Christum vnd sein  
wort mit ausgedruckten Worten verleug-  
nen solt.

Das ist aber geschehen vnd geschicht  
noch teglich/ das man vnter dem Namen  
vnd schein Christi/vnd seines worts/den  
Antichrist/als Christi Stathalter anbe-  
tet / das ist/im gehorsam/vnd seine Mal-  
zeichen/vnd gebotene Adiaphora an-  
nimpt / das ist/ seinen Ceremonien gley-  
bet/ prediget vnd helt.

Das ist das stück/dadurch der Anti-  
christ angebetet / Christus vnd sein wort  
mit

264

mit der that verleugnet wird. Denn nie-  
mand kan zweien Herrn dienen / noch zu  
gleich in beiden Kirchen sein. Denn wer  
dem Antichrist im geringsten anhangt / der  
veracht Christum vnsern lieben HERN.  
Vñ wer den Antichrist liebet / fürcht oder  
dientet / der hasset Christum vnd sein  
wort Matt. 6. Ja er ist ein Feind vnd ver-  
folger Gottes / wie wir denn für augen ses-  
hen / vnd teglich erfahren.

Derhalben rate ich je treulich von gan-  
zem hertzen / das sich ein jeder für dem  
Malzeichen des Thiers (das ist für men-  
schen Lere / vnd eusserliche Satzung / in der  
Kirchen) hüte / vnd allein bey dem reinen  
Euangelio bleibe / Auff das er mit der Ba-  
bilonischen Huren vnd irem Thier / dar-  
auff sie sitzt / in den feurigen Pful nicht ge-  
worffen werde.

Denn menschen Lere vnd eusserliche Sa-  
zung schleichen / teuschen / betriegen vnd  
verfüren die Christen / durch schalckheit /  
list vñ behendigkeit der Menschen / spricht  
S. Paulus. Solche greuliche wort des  
heiligen S. Pauli / solten wir vns billich  
(so wir anders wollen selig werden) bewe-  
gen vnd erschreckē lassen / das wir vns für

E ij

men /

1217  
menschen Lere vnd ensserlichen Satzung/  
so geboten werden/hüten/vnd wol fürse-  
hen solten / Ja dafür fliehen vnd lauffen  
als für dem Teuffel selbs.

DEnn S. Paulus menschen Lere vnd  
ensserliche Satzung im geistlichen Regi-  
ment der Kirchen/einschaltheit vnd teu-  
scherey der mensche/ein lose verführung hei-  
sset/darumb/das sie nicht sind nach Chris-  
sto/oder nach seinem Wort/sondern nach  
der menschen Lere vñ weltausung/das ist/  
nach vernunfftigen Worten menschlicher  
weisheit/welche aus kunst des wolredens  
die armen einfeltigen Christen/ja auch  
wol die gelertē Juristen beschleichen/betrie-  
gen vnd vberreden/wie S. Paulus solchs  
mit deutlichen Worten zeuget vnd sagt.

DErhalbē ist von nöten/das wir vns  
mit flehen/bitten vnd beten mit ernst zu  
Gott keren/der hülff vnd erlöschung von im  
herab von Himmel in gedult hoffen vñ war-  
ten/welche gewis durch die herrliche zu-  
kunft Ihesu Christi vnser lieben HERRN  
gewis komen/vñ nicht aussen bleiben wird/  
wie er selbs im Euangelio verheissen vnd  
zugesagt hat Luce 21. Sehet auff/vnd  
hebet



hebet ewre Heubter auff / darumb /  
das sich ewer Erlösung nahet.

Indes mögen / ja sollen vnd müssen  
wir der Adiaphoristen gewalt / verfolgung  
vnd tyranney leiden / das sie die vns  
fern veriagen vnd von irem Ampt entsezen  
/ so lang als es Gott gefellt / dulden vñ  
leiden / wachen vnd beten / wie er vns hie  
Luce 21 leret vnd gebeut / da Er spricht.

Seid nu wacker allezeit / vnd betet / das  
ir würdig werden möget zu entfliehen /  
diesem allen / das geschehen sol / Vnd zu  
stehen für des Menschen son / das ist / für  
dem gestrengen gerichte Ihesu Christi vns  
fers lieben HERRN.

Für welchem niemand bestehen noch er  
halten wird / denn die jenigen / so seinem  
Wort gegleubt / vnd sich nach seinem befeh  
le vnd geboten gehalten haben. Wer aber  
neben dem Euangelio menschen Lere vnd  
der Welt (das ist den eusserlichē / Satzung  
en) in der Kirchen gegleubt / gefolget vnd  
sie gehalten hat / der wird zu schanden  
vnd verdannet / vnd mit dem Antichrist /  
so er angehangen hat / in den feurigen Pful  
geworffen werden.

C iij

Dar

W<sup>ir</sup> Darumb sage ich / vnd warne jeder  
man noch einmal trewlich vnd vleissig /  
das er sich für allen leren vnd Ceremonien  
der Menschen / so nicht nach Christo  
sind / vnd geboten sind / oder geboten wer  
den / als für dem Teuffel selbs hüte vnd  
wol fürsehe. Denn alle Lere vnd Gebot in  
der Christlichen Kirchen / so nicht von  
Christo aus Zion oder Jerusalem herko  
men / sind verflucht vnd verdamnet / sie  
seien so gut als sie jmermehr können.

Denn alles was wir leren / predigen /  
glauben / vnd halten sollen in der Christen  
heit / das mus aus Zion von Christo her  
komen / wie der Prophet / Esa. cap. 2. vnd  
Mich. 4. solchs langst zuvor verkündiget  
haben / da sie sprechen / Von Zion wird  
das Gesetz ausgehen / vnd des H<sup>errn</sup>  
wort aus Jerusalem. Was aber nicht  
aus Zion oder Jerusalem kompt / das sol  
man nicht leren / predigen / glauben noch  
halten in der Kirchen Christi.

DJeweil denn die Leiptzigische Ord  
nung / vnd die drey Bücher der Adiapho  
risten / so D. Pfeffinger hat drucken lassen /  
aus Leiptzig / Grim / Pega vnd Zell / von  
den Adiaphoristen / nicht von Christo aus  
Zion

Esa. ii.  
Mich. iij.

271

Zion herkommen / So sey verflucht vnd ver-  
malediet ewiglich ein jeder / der sie an-  
nimpt / leret / gleubet oder helt / Deñ sie sind  
nicht / wie S. Paulus sagt / nach Christo /  
sondern nach menschen Lere / vnd nach der  
welt sayunge / durch schalckheit der Men-  
schen vnd teuscherey durch die Philoso-  
phia vnd lose verführung etc.

Darumb sie im Reich Christi / oder  
in der Christenheit nicht sollen geleret / ge-  
prediget / gegleubt noch gehalten werden /  
Sondern allein Christus wort vñ befehl /  
wie Er zu seinem lieben Aposteln selbs  
spricht / Gehet hin / vnd leret alle Völcker  
halten / alles / was ich euch befolhen habe.  
Vnd der himlische Vater gebent vnd be-  
silhet vns vom Himmel herab / durch ein  
helle stim / Das wir seinen lieben Son /  
vnd sonst niemands hören sollen.

W hat Christus nicht befolhen Messe  
zu halten / weder new noch alt / Er hat nie-  
cht geboten / das man die Krancken schmi-  
ren soll / Er hat nicht befolhen / das wir  
das Verbot der speise halten sollen / Des-  
gleichen hat er die andern Adiaphora ( so  
der Antiehrift zu vor / vnd die Adiaphori-  
sten jzt auff's new geboten haben ) zu hal-  
ten

ten nicht befolhen. Was er aber nicht ge/  
boten hat / ist niemand schuldig zu halten /  
Matth. 15. Befolhen aber hat er das E/  
uangelium zu predigen / vnd das Volck zu  
communiciren oder berichten / wie er seine  
liebe Jünger communicirt vnd berichtet /  
vnd nichts dauon noch dazu thun. Das  
hat er geboten vnd befolhen / das sollen  
vnd wollen wir auch thun vnd halten.

SOLches solten auch die Mesbische  
ne / mit iren Mönchen vnd Opferpaffen /  
dieweil sie der Aposteln Nachkommen sein  
wollen / thun / vnd halten / vnd von inen  
nichts andersgeleret / geprediget / gegleubt  
noch gehalten werden / aus befehl beide  
des Vaters vnd des Sons.

Hieraus sihet nu jederman wol / ob sie  
recht vnd Christlich gethan haben / das  
der Papst die alte / vnd die Adiaphoristen  
die neue Messe / sampt der Schmiere vnd  
das verbot der Speise neben vnd aussen / ja  
wider das wort vnd befehl Christi / er/  
ticht vnd auff die Christenheit / durch ir  
greulich Gebot gelegt haben. Den alle Adi  
aphora / so bald sie geboten werden / wird  
draus ein strick vnd netz der Seelen / das  
die Gewissen einnimpt vnd gefangen helt.

Da

Dazu wird auch mit der zeit / wir wollen  
 oder wollen nicht / ein Gottesdienst draus /  
 dadurch das Wort veracht / der Glaube  
 gar vergessen vnd vertilget wird / die Liebe  
 vnd gnad Gottes vntergehen / vnd vertun  
 delt werden. Das sey gnug vom fünfften  
 Zeichen.

ES sind noch viel mehr zeichen in  
 der Schrift angezeigt / so vor dem jung  
 sten Tag geschehen sollen / Als bawen vnd  
 pflanzen / freien / vnd sich freien lassen / fre  
 ssen vnd sauffen / geiz vnd sorge der Na  
 rung etc. welches jzt Alles in vollem  
 schwang gehet / vnd auffs höchste komen  
 ist / Das es auch nicht höher komen kan.  
 Also / das auch fressen vnd sauffen / Geiz  
 vnd sorge für die Nahrung / nicht mehr für  
 sünde / sonder / für löbliche ehrliche werck  
 geacht vnd gehalten werden / dafür vns  
 Christus vnsr lieber HErr so vleissig vnd  
 treulich warnet / da er spricht / Luce 21.  
 Hütet euch / das ewre Herzen nicht be  
 schweret werden mit fressen vnd sauffen /  
 vnd mit sorgen der Nahrung / vnd kome  
 dieser Tag schnell vber euch.

Derhalben dieweil alle Zeichen im  
 D schwang

Schwang gehen / erfüllet vnd geschehen  
sind / So wird der jüngste tag nahe vnd  
für der thür sein. Diese vnd dergleichen  
Zeichen mehr / alle hie zu erzelen / würde  
viel zu lang.

**I**Ch weis nicht mehr fürhanden / das  
geschehen sol / denn die eusserlichen vnd  
greiffliche Zeichen / so jederman sehen vnd  
hören wird / Als das der Himmel vom feur  
mit grossem krachen zergehen / die Ele-  
ment für hitze zerschmelzen / die Erde vnd  
die Werck die drinnen sind verbrennen  
werden. Diese Zeichen werden hart vor  
dem Jüngsten tage geschehen / Ja sie wer-  
den der vorlaufft vnd anfang des Jünga-  
sten tages sein / wenn sich alles / Himmel vnd  
Erden / regen vnd bewegen wird / wie ein  
alt Gebew das jzt einfellet / vnd vnter ge-  
hen wil.

**E**S sol aber niemand weil diese Zeich-  
en / noch nicht geschehen sind / darumb sicher  
vnd vermessen sein / als were er noch fern  
dahinden. Sondern wir sollen alle stunde  
vñ augenblick auff die zukunfft des **H**Erren  
**C**hristi / vnser lieben Brutigams / hoffen  
vnd warten / dieweil wir die zeit vñ stunde  
seiner herrlichē seligen zukunfft nicht wissen  
können

Können noch sollen/wie Er selbs Mat. 13  
 spricht/Von dem tage vñ der stunde weis  
 niemand etc. Auff das wir/wenn er kompt/  
 vnd vns von hinnen holet (es sey durch  
 den Tod/wenn er ein jeden in sonderheit  
 zu seiner zeit von hinnen foddert/Oder  
 durch den Jüngsten tag/wenn er vns alle  
 foddern wird) bereit vnd geschickt seien/  
 mit im hinein zur Hochzeit zu gehen/ehe  
 die thür verschlossen wird/Auff das wir  
 mit den fünff törichten Jungfrawen ni-  
 cht hören müssen Ich kenne ewer nicht/  
 noch verschlossen werden.

Wachen aber vnd warten/ist nicht  
 anders / denn sich bessern / von sünden  
 lassen / vnd abstehen / Gott mit ernst in  
 rechtem glauben anruffen vnd vmb  
 gnade bitten / Das wir für dem ern-  
 sten gestrengen gericht Christi / vnsers  
 lieben HErrn mit freuden vnerschrocken  
 stehen mügen. Auff das wir mit den gott-  
 losen vnd falschen Christen/ die auff bei-  
 den achseln tragen neben dem Euangelio  
 die newe Messe vnd schmire halten wol-  
 len/nicht zu schanden werden.

Darumb ist hoch von nöten / das wir  
 die vermanung vnd lere Christi vleissig  
 D ij halten/

halten da er Marci xiiij. spricht / Sehet zu /  
wachtet vnd betet / Denn jr wisset nicht /  
wenn der HErr kompt. Denn Er wird  
komen zu einer stunde / da jr nicht meinet  
Matth 24.

VND ob gleich der Jüngste tag solt noch  
lenger aussen bleiben / So kompt er doch  
wie gesagt / ein jeden wenn in Gott von  
hinne foddert. Weil denn niemand wis  
ssen kan / wenn sein stündlin komen sol / ist  
sicherer vnd gewisser / das wir vns des selb  
bē on vnterlas vorsehē. Ein jeder in seinem  
Stande seine Sünde erkenne vnd bekenne

Die Könige vnd Fürsten ire grosse  
vbermachte Schatzung vnd vnterdrück  
ung der armen Vnterthanen. Der Adel  
vnd die Hender iren wucher vnd geitz / da  
durch sie mit iren beschwerlichen Hens  
deln irem Nehesten zu nachteil vnd schas  
den / iren vorteil suchen / mit aller vntrew /  
vnglauben / list vnd betrug. Die Bürger  
vnd Baur / ja in gemein alle Stende / die  
grosse grausame verachtung des seligen  
Worts vnd seiner Diener. Item fressen /  
sauffen / vntrew / pracht / sicherheit etc da  
mit die Welt izund / wie mit einer Sint  
flut / vberschwemmet ist / auch bey denen /  
so das Euangelium rhimen. Dar



277

Drumb laffet vns mit ernst bitten/  
flehen vnd von hertzen ruffen zu dem Va-  
ter aller gnaden vnd barmhertzigkeit / das  
Er/vmb seines lieben Sons/vnsers H<sup>E</sup>r-  
ren Ihesu Christi willen/welchen Er vns  
zum Lelmlin vnd Opffer für vnser / vnd  
der gantzen Welt/sünde/gegeben hat / sei-  
nen Geist geben wolt / Das wir vns für  
menschlichen Lere vnd satzung/so nicht aus  
Zion kómen/nach Christo sind/Son-  
dern aus Leipzig vnd Meisnerland ko-  
men/hüten vnd mit höchsten vleis fürse-  
hen/das wir dadurch den Antichrist mit  
seinen Mess vnd Opperpfaffen / vnd was  
des Gesinds ist im geringsten nicht ge-  
horchen noch anbeten. Sondern bey dem  
reinen Wort vnd befelh Ihesu Christi  
vnsers lieben H<sup>E</sup>rrn bestendiglich blei-  
ben/vnd bis ans Ende beharren.

Dazu helffe vns der Vater aller barm-  
hertzigkeit/vnd Ihesus Christus sein ein-  
gebórner Son/ sampt dem heiligen Geist  
Amen.

Gedruckt zu Thena durch Christian  
Rödinger. 1554.

Faint, illegible text, likely bleed-through from the reverse side of the page.

278



324



325

et diuitias reg. etc. etc.  
conuerterunt reliquos  
et honestas. et puros  
et exercitauerunt plerumque  
ulū et barnabam. et pie  
s de finibus suis. At illi  
puluē pedū i eos. uene  
runt. Discipuli q̄ reple  
iudicio. et spū sancto.  
Veni scē. etc. **S. Lucia**  
de. Surgēs ihs de sy  
; itrouit i t mū simo  
crus aut simonis tene

et l. etc. etc.  
succes sup. **Antea oratione.**  
ummutantes. **Deus**  
om̄ nos relinquit. **Deus**  
nos ueniā ad uos iteū all  
debit cor uestru alta alta  
rebeat nōh iñe uis  
scēa feriozē: quos eos  
acri delectem et fructu. **De**  
**Octaua iēthē. Spūs dñi p̄ coram**  
ut i die scē p̄cor. **Dequenē. E. O. H.**  
**Deus qui coram fidelis scē**  
eti spiritus illustratione